



Broj: 11-05-38-12170-8/16  
Sarajevo, 06.05.2016. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), razmatrajući preporuku Komisije za javnu nabavku usluge izrade studije kao osnove za izradu Strategije za mlade u nadležnosti Ministarstva za obrazovanje, nauku i mlade Kantona Sarajevo, ministar za obrazovanje, nauku i mlade **d o n o s i:**

### **ODLUKU o izboru najpovoljnijeg ponuđača**

#### **Član 1.**

Prihvata se Preporuka Komisije za javnu nabavku usluge izrade studije kao osnove za izradu Strategije za mlade u nadležnosti Ministarstva za obrazovanje, nauku i mlade Kantona Sarajevo i dodjeljuje se realizacija predmetne usluge prvoplasiranom ponuđaču Institut za razvoj mladih KULT, Sarajevo, prema dostavljenoj ponudi broj: 11-14-15722/16 od 28.04.2016. godine u ukupnoj vrijednosti od: 14.278,00 KM.

#### **Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa tenderskom dokumentacijom. U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

#### **Član 3.**

Ova odluka objavit će se na web stranici ugovornog organa, <http://mon.ks.gov.ba>, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.



### *Obrazloženje*

Postupak javne nabavke pokrenut je Odlukom o pokretanju postupka javne nabavke putem konkurentskog postupka, broj: 11-05-38-12170-1/16 – Nabavka usluge izrade studije kao osnove za izradu Strategije za mlade u nadležnosti Ministarstva za obrazovanje, nauku i mlade Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Javna nabavka predstavlja nabavku usluge izrade studije kao osnove za izradu Strategije za mlade u nadležnosti Ministarstva za obrazovanje, nauku i mlade Kantona Sarajevo. Procijenjena vrijednost javne nabavke bez PDV-a iznosi 21.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 5774-7-2-2-3-2/16 dana 15.04.2016. godine u 10,38 h na portalu Agencije za javne nabavke.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima: 1. Institut za razvoj mladih KULT, Sarajevo 2. Asocijacija XY, Sarajevo 3. Udruženje CROA, Sarajevo. Sljedećim ponuđačima, na njihov zahtjev, je dostavljena tenderska dokumentacija: 1. Ekonomski institut, Banja Luka; 2. Info Enova d.o.o. Sarajevo; 3. Institut za zaštitu, ekologiju i obrazovanje, Tuzla; 4. Ekonomski institut, Sarajevo. Rok za dostavu ponuda bio je 28.04.2016. godine do 11,00 h.

U predviđenom roku i uredno u zatvorenoj koverti, dostavljene su dvije ponude ponuđača: Institut za razvoj mladih KULT, Sarajevo i Asocijacija XY, Sarajevo.

U skladu sa Odlukom o pokretanju postupka, za provođenje postupka javne nabavke putem konkurentskog postupka za nabavku usluge izrade studije kao osnove za izradu Strategije za mlade, formirane Rješenjem, broj: 11-05-38-12170/16, od 14.04.2016. godine Komisija je provela evaluaciju dostavljenih ponuda kroz javno otvaranje ponuda, utvrđivanje formalno-pravnih ispravnosti ponuda i vrednovanje ponuda što je popraćeno Zapisnikom o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 11-05-38-12170-7/15 od 05.05.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2)
- da je blagovremeno zaprimljena ukupno dvije (2) ponude
- da nema neblagovremeno zaprimljenih ponuda
- da prispjele ponude ispunjavaju formalno-pravne uslove za učešće u kvalifikacijama i karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvata Zapisnik o pregledu i ocjeni ponuda.

Tabelarni pregled pristiglih ponuda – rang lista prihvatljivih ponuđača za nabavku usluge izrade studije kao osnove za izradu Strategije za mlade jeste:



R.br	PONUĐAČ	Ukupna cijena na javnom otvaranju KM (sa PDV-om)		Rok realizacije usluge		Način plaćanja		UKUPNO bodova
1.	Institut za razvoj mladih KULT	14.278,00	<b>70 bod</b>	90 dana	<b>20 bod</b>	120 dana	<b>10 bod</b>	<b>100</b>
2.	Asocijacija XY	15.000,00	<b>66,63 bod</b>	120 dana	<b>15 bod</b>	90 dana	<b>10 bod</b>	<b>91,63</b>

U skladu sa kriterijumom "ekonomski najpovoljnije ponude", **ugovor se dodjeljuje ponuđaču Institut za razvoj mladih KULT iz Sarajeva u ukupnoj vrijednosti nabavke sa PDV-om 14.278,00 KM.** Za predmetnu nabavku će se zaključiti ugovor.

***Pouka o pravnom lijeku:** Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu Ugovornom organu u pisanoj formi u roku od 5 (pet) dana od dana prijema ove odluke u skladu sa članom 99. Zakona o javnim nabavkama ("Službeni glasnik Bosne i Hercegovine" broj 39/14).*



Prilog:

1. - Zapisnik o pregledu i ocjeni ponuda broj: 11-05-38-12170-7/16 od 05.05.2016. godine

Dostaviti:

2. Svim učesnicima u postupku
3. Ministarstvu za obrazovanje, nauku i mlade
4. Komisiji za provođenje postupka javne nabavke
5. a/a



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

